

Gvangjsih Minzcuz Bau

ganhhau: CN45-0036 B.2019 Nd.1 Ng.30 liggaueq fouhswt nienz ndwenlabngeihhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3360期

“Liuz Samcej” Vangz Vanjciuh Daiq Gak Gyaiq Vunz Boux- cuengh Gangj Vahcuengh Hawj Gyoengq Beixnuengx Baiqcieng

Gvaq cieng lo, gvaq cieng lo……

Gvangjsih Minzcuz Bau roengz-sim guh, boux yienj “Liuz Samcej” Vangz Vanjciuh, boux daibyaj Bouxcuengh Banh Gingbyauh, boux canghraiz mizmingz Bouxcuengh Vangz Beivaz, Doih Ciengqgo Gyoeb-hab Fwenleux, canghsei Bouxcuengh youq Bahsih Vangz Gingzliuj, lauxsae hagseng hagdangz Cuengh Gun song saw vah Gveigangj、Sanglinz, dahsau

gyaeundeik ak ciengqgo gwnz muengx Mbanjcuengh Dahcuz, boux maij Sawcuengh Vahcuengh Veiz Gvangj-hanz…… Gyoengqde aeu Vahcuengh ndeidingq, sing dem sing hohfuk vandiemz, goenghoh gyoengq beixnuengx ndwencieng angqyangz、youq ndei gwn van!

(Aen sibinz baiqcieng Vahcuengh ngoenzdaep youq gwnz veihsin bonjbauq boqcuengq)




▲ Boux gyaiez Sawcuengh、youq gunghswih guhhong neix Veiz Gvangj-hanz baiqcieng.

► Ranz vunz “Liuz Samcej” Vangz Vanjciuh hawj gyoengq beixnuengx baiqcieng.



▲ Hagseng cuhcungh Mungzgungh Cin Gveigangj Veiz Haijyen、Dwng Meijfagh baiqcieng.



▲ Bouxciengqgo Bouxcuengh gwnz muengx mizmingz Dahcuz aeu Vahcuengh Hawcou Yinznanz baiqcieng.

Gih Vujmingz Namzningz Baizdazroen Gyauoeng Gyahwnj Sawcuengh Yienh'ok Daegsaek Mbanjcuengh

Mboengqneix, singz Gih Vujmingz Namzningz gak bakroen roenloh、duenh roen youqgaenj cungj vuenh le baizdazroen gyauoeng moqsag, baizdazroen vuenh moq neix cawz Sawgun caeuq Sawgun gyoepyaem le, lij gyalai Sawcuengh dem. Neix dwg hangh banhfap youqgaenj Gih Vujmingz gyalai ndawbiengz yungh Sawcuengh.

Ciuq cam rox, bi 2018 Gih Vujmingz bued cienz 464.86 fanh maenz hengzguh aen hanghmoeg daezswng hwnjguh gyauoeng hawsingz, guh moq

baizdazroen gyauoeng 226 gaiq, cw-goemq 39 diuz roenloh ndaw hawsingz, caemhcai dajcang daengroen gaihaw, cungj miz gij yenzsu Mancuengh、aen-nyenx Bouxcuengh, doengzseiz baizdazroen vuenh moq haenx cungj yungh Sawcuengh, engq yienh'ok gij fungcingz Bouxcuengh Vujmingz, hawj de baenz diuz sienq gingjsaek ndeu langhbaij gij daegsaek Vujmingz Mbanjcuengh, neix dwg gij saedguh caenh'itbough baujhoh caeuq swnjcienz vwnzva Bouxcuengh.

Geij bi neix daeuq, Gih Vujmingz

itcig haeujlaeg hengzguh gvancez gij cwngecwz hong vahasaw minzcuz guek-gya, ciuq 《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》《Gij Banhfap Guenj-leix Ndawbiengz Yungh Sawcuengh Namzningz》mizgven gvidingh, miz boughloh haiguh hong gak loih mingzdeih geiqhauh、baiz aenyaenq danvih、hoz-dung hung daengj yungh Cuengh Gun song cungj saw, caemhcai aeuandaej cingzciik ndei.

(Veiz Hwngzli/韦恒丽)

Daengq Beixnuengx

Ndwencieng cuengq-gyaj, geiz bauqceij ndwen 2 ngoenz 6 mbouj ok lo. Hoh gyoengq beixnuengx vuenvuen heijheij gvaq cieng! Ndaw bi moq guh maz baenz maz!